

**PAITE HOLY BIBLE (1971) LEI THEIH NAWNTA**

Paite Holy Bible (1971) bawdik a om & copy sutsa teng tuma kizuakbei pah ahihna ah re-print dia Bible Society of India ah ngetna piak ahih bangin copy 8035 re-print zoh hita a, tu'n Evangelical Book House, (EBH) Docas Hall, New Lamka ah lei theih hi nawnta. Kuapeuh a deihte'n EBH thuzak a ngaihven baih hoih ding. Copy 8035 re-print lakah 'Bonded leather zip/Gilt te 5014 copy hi a; copy(bu) 1 ah Rs. 400/- zel man ahi, copy dangteng 3021 Non-zip/Yaap te hi a, copy (bu) 1 ah Rs. 350/- zel man ahi. September 02, 2017 apan kizuak pan hita a, na deihleh ngaihven pah in, a bei ma in.

**DORKA KHAWMPILIAN 41-na**

Kum 3 hal zel a Dorka Khawmpilian omzel pen tukum in a 41-na hita a, September 7-10, 2017 in EBC Gospel Centenary Hall, New Lamka ah nuamtak leh lochingtak in kinei lellel a, tuni nitak biakna hun zatzoh toh kiton in Khawmpilian beisiangta ding hi.

Toupa Kha' thawpna thupi tak toh Bible Study & Seminar Hunte manpha leh nuamtak in zang thei zel uh chih report kimu a, i thumnate uh hon dawng Pa Pathian min i phat uh ahi. Delhi apan Khawmpilian a tel palai mi 24-te damtak in Delhi-Lamka tungkim ua, bangmah nawngkailou in lamzang uh chih le report kimu ahi. Phetlou, Zanhah (08.08.2017) Sunma Kikhop in Pathian phatna lapawl siamtak in vasa uhi.

Khawmpi Hunsung a Seminar Pitute - Dr Niangsangching, Miss Muani Tombing, Mrs. Vungkhawhching, Mrs. Lily Tombing, Ms Manzavung Thomte leh Mrs Lalhlmpuii - te'n thupi tuamtuan pasan in seminar makaih ua, manpha taktak in khual gamla & nai aomte tanpha in Khawmpi kisiim thei a, navak huai lua!

Toupa'n Khawmpi lohching leh gahsuang suaksak sem di'n thumna ah panla zom zel ni hang. Hiai khawmpilian a hoh kuapeuh - Division/Mission Field & Khopi Saptuam-te mun gamla & nai akipante damtak a a munchiat uh tungkik di'n le thumpih bok ni hang.

**EBC KUMSIM KHAWMPI 69-na**

Hongtung ding December 7-10, 2017 in EBC Kumsim Khawmpilian om nawn ding. Tu'n kisakxhawlna pailai a, Division/Mission Field leh Khopi Saptuamte apan pailai dingte October 09, 2017 tan a min piaklut ngai ding hidan ahi. Hiai kumsim khawmpi toh kisai mah in Saptuam Census leng kaihkhop ding hi nawn a September 22, 2017 tan a piaklut ngai ding ahi. Central Delhi Saptuam akipan in hiai kumsim khawmpi ah Pastor heu in Palai hunkhop in le uap ding uh a, kuapeuh in i thumnate uah phawkzom ni chi'n ikichial uhi. Detail prog hon suakpah di'n lamem ni hang.

**NIPINI PAITA [ 03.09.2017 ] A THOHLAWM**

Thohlawm (Mipi) - 5,892/- ; BCD Thohlawm - 930/- ; Sawm-a-Khat - 2,36,590/- ; DORCED - 900/- ; Antangpham - 2,000/- ; Dorcas Talent - 1,890/- ; GBC Naupang Chawmna - 2,000/- ; Tuailai Box - 800/- ; Local Missionary Fund (Box) - 1,190/- ; Missionary Vakna (Family) - 8,500/- ; Missionary Vakna (Local) - 600/- ; Missionary Vakna (Mimal) - 4,100/- ; Building Fund - 3,880/- .

# **Tu September a Usher ding mi 4 kisepte:** i) **Cindy,**  
ii) **Nunsiam,** iv) **James,** leh v) **HK Sanglian,** ahi uhi.

EBCC-CD Church Address : Christ Methodist Church, 1 Butler Road, Tis Hazari,  
(Near St. Stephen Hospital), New Delhi - 110054  
Pastor Address: 90-A, DDA Flat, New R-Block, Dilshad Garden, New Delhi - 110095  
(Near Jhilmil Metro Station) Phone No. +91-9717532608

**Tukum Thupi:**

"DIKTATNA A  
KILAMTHAKNA"  
Paunakte 14:34

**Tukha Thupi:**

Nungzui muanhuai hi dia  
Khrist etton a nei gige a  
Khrist Diktatna a Kilamthakna

Vol. 5 / No. 50 | September 10, 2017 | EBCC Central Delhi Publication for Private Circulation Only

**THUMNA MAKAI**

# Tuni Amah biakna hun thoveng leh nuam tak hon neisak Toupa phat ni; i Biakna prog Khasiangthou' thopna ngen ni. Pathian' pawlna toh biakna nuam & hing i neih theihsemsem na'ng un Saptuam mite'n Kha thopna ngen in thum ni.

# October kha in Tuailai Pawl toh kisai 'Tuailai Meet' (06-07 Oct.) & 'Tuailai Day' (15 Oct.) in om ding a, Salam-Khalam ah Pathian ompih leh makaihna ngahna di'n thum ni.

# Dorka Khawmpilian omlel ah Pathian makaihna toh hiaitan zatzoh ahihna ah kipahtu gen ni. Tuni prog omlaite thumpih kawm in Delhi hong kikhing Dorka makaite bittak & damtak a hong tunkikna ding un thum ni. Banah, khawmpi tungtawn a GAH manpha hong omna di'n thum tamsem lai ni aw.

# EBC Kumsim Khawmpilian 7-10 Dec., 2017 a om ding ahi a, ei' Saptuam apan le palai kuan ding om ihi ua, i thumna uah phawk chiat ni.

# I Saptuam in tukum Christmas & Kumthak vai ah Committee phuanta. Amaute Toupa' ompihna & makaihna ngetpiah ni.

\*\*\*\*\*

**NIPINI NAWN BCD DEVOTION**

[ 17.09.2017, 2: 00 PM ]

Pitu : Np. Sunkhanlian (Inter. Pawl)

Bible simna & hun patna : Np. Kamson (Inter Pawl)

La Pitu : Music Dept. & Inter. Pawl.

Thohlawm donna : Primary Pawl/te apan

Thohlawm lantu : Htn Esther Nem

Thupuanna & Tawpna : Toupa hon sinsak Thumna

\*\*\*\*\*

**BUILDING FUND ONLINE IN PIAKTHEIH**

Tukum 2017 Building Fund (Nikhat Tha) online a penuamte adi'n bank details : Punjab & Sind Bank, Vasant Vihar Branch, A/c Name: EBCC Delhi, A/c. No. 04871000015064, IFSC Code: PSIB0000487.

**TUNI BIAKNA KIKHOP**

[ 10.09.2017, 2:00 PM ]

Pantu : Nu Songlianvung

Phatkhawmna : WT makaih in

Thohlawm lan : Upa Biakkhanmang

Phatna : Upa K.Thangzalun

Sunday School : Local Pastor

[ Text : Johan 18:1-40 ]

Phatkhawmna : WT makaih in

Hunkhakna : Toupa' thumna

\*\*\*\*\*

**BCD DEVOTION**

[ 10.09.2017 , 2:00 PM ]

Hun kemtu : Htn Thiansiam.

Pantu : Np Nemthiansang (Inter Pawl)

La Pitu : Music Dept, Inter. & Senior Pawl.

Thohlawm donna : Np Haugouding (Beg. A) & Np ML Sang (Beg.A)

Thohlawm lantu : Htn Joan Roumawi

Lazirna : Music Dept. makaih in

Special No., Lasak khawmna &

Thupuanna hun :

Tawpna : Toupa hon sinsak Thumna

\*\*\*\*\*

**NIPINI NAWN BIAKNA**

[ 17.09.2017, 2:00 PM ]

Pantu : Nu Vungngaihlian, Timarpur

Phat khawmna : WT makaih in

Thohlawm lantu : Upa Thangzalun

Dorcas Khawmpilian hohte vaidawmna :

Upa Biakkhanmang, Vice Chairman TBSUC

Dorcas Khawmpi Report & Special No. :

Khawmpi hohte/palaite apan

Nipi Skul : Upa V Lianzathang

( Text : Jn. 19 )

Thupuanna :

Tawpna /Benediction : Local Pastor

**NA KRISTIAN HINKHUA AH BANG ETPEN IN NANEI A ?**

~ Upa V. Lianzathang, Local Chairman, EBCC Central Delhi.

*Ka sikha, ka let gige, ka tel, ka lung in a pahtak mahmh endih ua : a tung ah ka kha ka koih ta : Jentelte kiang a piak ding in vaihawmna thu a hongpawt ding, Isai 42:1*

Na milim bawltawmte uh sang in ka sikha, ka let gige, ka tel, ka lung in a pahtak mahmah en un, chi in Pathian in Israel mipite a sawl hi. Pathian in nam (Israel) te kiang ah, "Ka sikha muang unla, gingta unla Amah lam en un, na hin theihna ding un," a chi hi. Himahleh Pathian in a piak hinna lampi ah a pai nuamkei uhi. Amauten Aigupta sal a kipan a pikhetu Pathian hing a lehngatsan ua, a nawtsiatsa gam uh Aigupta mite biak milem pathiante a bia uhi. Na thilhih uleh na nna septe uh, na milem biak uh, kei hon enlou a milem lam na ette uh bangmah ahikei ua, hinna honpe thei kei uh chiin Pathian in Israelte kiang ah a gen hi. Pathian thu manglou a, amau deihdan a paiin bawltawm milimte abia uhi. Huchih laiin a lak ua vaihawmtu milian, mihausa leh thilhihtheiten bawltawm milem biakna ding in sum tampipi a thoh ua, noppawlina leh a mau leh a mau kipahtawina ding in sum leh pai tampipi a pia uhi. Vaihawmtu leh miliante huchi bang a, a omlai un Pathian in akiang uah, "Mi gentheite leh tagahten tui a zong zel ua, a om ngalkei a, a lei uh dangtakin a hulkhin zel," a chi hi, (Is. 41:17(a)).

**A THUPINA UH BANGMAH AHIKEI**

Huchi bang mite tungtang leh a thilhihte uh bangmah a hihlough dan Pathian in a gen hi. "En un, a vek un a nna septe uh bangmahlou ahi a, thil omlou himhim ahi. A milim sunte uh lah huih leh huihkhuah lel ahi," achi hi, (Is. 41:29). A gam vaihawmtute uh thilhihtheih dan leh thupi dan, a pildan uh salam ah phat tuak, phak vuallouh a hithei uhi. Himahleh, a thupina uh Pathian hing thupina ding a zat ahilhough ziak in, gentheite itna leh kankuahna omlouh luat ziak in, a bei pah ding thupina a suak hi. A bei ngeilouh ding thupina zong un Pathian in a chi hi. A salam thupina uh leh a pilnate uh khalam thil a hih ouh ziakin a thupina uh milem Pathian ahi maimah hi. Salam a, thupi lua hina piin a thupina uh, "Huih tomkhah sung nung zual" bang lel a suak hi. Tangtawn thil toh teh in a tom mahmah hi. A maute kiang ah Pathian in, "Milem bawltawmte muang a, milem sunte kiang a, ka pathian uh na hi uh chite kiheisak in a om ding ua, nakpi tak in a zahlak ding uhi," a chi hi, (Isa. 42:17). Israel gam vaihawmte leh tulai a I gam vaihawmte kibatna tampi gentheih ding om ding in a gintakhuai hi. I gingta uhia?

**JUDA GAM A KHALAM SALAM KIVAIHAWMNA A SIAT DAN**

A miliante uh mi hel hat, gutate pomte ahi uh. Michih in golhna a deih ua, thilpiak a delh nak uhi. Pa neiloute vai a hawmsakkei ua, meithaite makhua khualna leng a kiang uh a tung ngei samkei hi, (Meithaite adia thilpiakte, panpihnate a nekuk sak uhi), (Is. 1:23). Nou Jakob inkote heutute leh Israel inko vaihawmmi, vaihawmna kih a, dikna chiteng lumlet mite aw, hiai ngaikhia unla, ka hon ngen ahi. Zion sisan in a lam ua, Jerusalem ginatlouhna in. Huai a heututen kipahman lamenin vai a hawm ua, huai a siamputen loh lamenin a sinsak ua, huai a Jawlneiten dangka lamenin ai asan uhi. Huchiin leng TOUPA i lak uah a omka hia? thil hoihlou I tung uah a hong tungkei ding chiin TOUPA tung ah a kinga uhi, (huchituk a gitloughna a hih ua, a tawpsanlouh ua, a hih kawmkawm un leng TOUPA a lamenin lailai ua, TOUPA a lak ua om ding in a gingta zomah uhi), (Mika 3:9-11). Kumpi Ahaz in Israel kumpipate lampi tot a tawnte a, ahi TOUPAN Israel suante ma a adelhkhiaкса namten thil kihhuaitak a hih zel bang un a tapa mei ah a lutsak a. Huan mun sangte, tang ah te, sing hing chih nuai ah te a kithoih a,

*Zopna laipek maban ah om*

gimlim a halsek a, (2 Kum 16:3-4). Tulai gingtute lak ah hiai bang thilte om hiin na thei uhia? Solkal a kipan a muh sunsun old-age pension peuh theihlough kal a kilakguksak chih bang a om ngei hia? Beh leh phung leh inkuan sung mite kia buaipih in vaihawmna in a huam sung I hihneu maimah uhia? Ei I gil a vah a, I kiningchin photleh midangte gilkiak, tasam in om le uh phamohsalou in I om uhia?

**KEI KIANG AH HONG KIK UN PATHIAN IN A CHI**

Tangtawn Toupa Pathian in amau a sam gige a, himahleh amau a ngaihsakkei uhi. Gilkiak chiang a ann pe theilou, dangtak chiang a tui pe theilou, lungkham chiang a hehnem theilou pathian, milem mai ah a kuun uhi. Pathian in huai milemte na biak ua, a mai ua nakuun sang un kei hon be zaw unla, honbel un chiin a sam hi. "Tang sang giau ah te lui ka luang khe sak ding a, guam laizang ah tui nakte ka suaksak ding: gamdai dil in ka bawl ding a, gamkeu leng tui nak in ka bawl ding hi," TOUPAN a chi hi, (Is. 41:18). Kei non muan ua, non belh ualeh khamuanna na nei ding uh chiin TOUPAN a sam hi. Hongpai unla na dinmun uh, na hihna uh I sut khawm ding ua, na khelhnate uh ka hon ngaidam ding chiin TOUPAN a sam hi. Israel tate khelhna bang chituk, bang chibang ahia chih a genchetna in "San au leh san dup bang ahi," Jawlnei Isai in a chi hi. A khelhna uh san au bang leh san dup bang himahleh vuk bang in a ngou dia, belam mul bang in angou ding a chi hi, (Is. 1:18). San au leh san dup tuh sisan ahi a, a khelhnate uh mihing sisan suah toh a kibang uhi. Huchi piin leng kei lam hon en unla, ngaihtuah khawm ni hang, kon ngaihdam theihna ding in chiin TOUPAN a sam hi. I Kristian hinkhua uah bang et pen in I nei ua? Saptuam sung ah bang et pen in I nei ua? Thuneihna maw? A sung a salam kipanpihtuahna leh thilpiak nengnengte maw? Min saptuam sung a Pathian Sikha (Jesu Krist) lou thildang a et chiang un buaina a piangsak ua, a lungkimkei ua, kigensiatna tuntu in a pang uhi. Jesu lam en nii!

*"Ka sikha, ka let gige, ka tel, ka lung in a pahtak mahmah endih ua: a tung ah ka kha ka koihta, Jentelte kiang a piak ding in vaihawmna thu a hong pawt ding"*

\*\*\*\*\*

**TBSUC MEETING (09.09.2018) THUPUKNA KHENKHAAT**

Zan 09.09.2017 a TBSUC meeting a neihna ua thupukna khenkhat hiai ah i taklang ding:

- Term thak BYF Election 2018 saitu ding in Pastor leh Upa teng guan ahi. Presiding/Convenor di Local Pastor ahi dia, Secretary di Local Secy ahi di. Election Ni/Hun ding amaute khut a koih ahi.
- Prayer Cell No. 3 Convenor mun-awng (pemkhiak ziak a) luahdim dingin Pa S. Nengdoupau, Pandara Road guan ahi. Aman thuthak om nawn mateng Convenor nna len tadih ding ahi. Hiai toh kisai Local Secretary in theih sakna anape ding ahi.
- Christmas 2017 leh New Year 2018 programme muh kinem kawm in December 24<sup>th</sup> – 25<sup>th</sup> leh December 31<sup>st</sup> - 1<sup>st</sup> January 2018 bawl dia lemsak ahi.
- Christmas leh New Year Celebration Committee ding in 1) Upa Biakhanmang, *Convenor* ahi, Member dangte – 2) L/Upa T. Thanghnun, 3) L/Upa Nangthanlian V, 4) L/Upa T. Khamchinlian, 5) L/Upa Nialkhanson T, 6) Pa Henthianlal (Boipu), 7) T. Liansonmuan leh 8) Pa Shohkholim Mate. A poimoh leh member dang ana guanbeh thei ding uh.
- Kumnawn i Saptuam 8<sup>th</sup> Anniversary hun a Seminar toh thuah a thugentu ding in Rev. Dr. J.M. Paupu chial lemsak ahi. Ani ding in April 20 - 22, 2018 ahi.
- 29.07.2017 a Departmental Joint Fellowship neih hun a department chih report & open discussion a thukupte REVIEW le neih ahi a (thupuknate hiai CDEW ah kitaklang kimzoulou, phot, simtute ngaihsiam aw – Dept. chih ah resolution copy kihawm ding ahi na)